

Документ подписан:

дата:2022.04.07 17:43:10
серийный номер: 7782с889
компания:ООО UNITED IT COMPANY
инн: 307802586
фιο: МУРАТОВ МУРОДХУЖА
email:



11ЕСВ67042BD711A9F831E0008000075
идентификатор электронного документа

ПРОТОКОЛ ПОДПИСАНИЯ ДОКУМЕНТА

Поставщик	ООО UNITED IT COMPANY	Покупатель:	"O`ZSUVTA`MINOT" AJ
ИНН	307802586	ИНН	307224696
Адрес	NIYOZBEK YO`LI KO`CHASI 1-UY	Адрес	NIYOZBEK YO`LI KO`CHASI, 1-UY

Информация о документе

Название документа	SHARTNOMA
Номер и дата документа	№ UIC-13 от 07.04.2022
По договору	№ UIC от 07.04.2022

“Ўзсувтаъминот” АЖнинг тизимидаги ташкилотлар учун веб-сайт жорий этиш, шунингдек сайтларни ва жамият ахборот тизимларини техник қўллаб-қувватлаш тўғрисида

UIC-13-сон ШАРТНОМА

Тошкент шаҳри

«07» апрел 2022 й.

“Ўзсувтаъминот” АЖ кейинги ўринларда “Буюртмачи” деб юритилувчи, номидан 2022 йил 7 апрельдаги 1-9-сон ишончнома асосида фаолият кўрсатувчи Бошқарув раиси ўринбосари Х.Х. Рахматуллаев бир томондан, ҳамда «United IT Company» МЧЖ, кейинги ўринларда “Ижрочи” деб юритилувчи, номидан Устав асосида фаолият юритувчи директор М.П.Муратов, иккинчи томондан, биргаликда “Тарафлар” деб юритилади, қуйидагилар тўғрисида шартнома туздилар:

1. ШАРТНОМА ПРЕДМЕТИ

1.1 Мазкур шартнома бўйича Ижрочи “Ўзсувтаъминот” акциядорлик жамияти тизимидаги ташкилотлар учун веб-сайтлар жорий этиш, шунингдек сайтлар ва жамият ахборот тизимларини техник қўллаб-қувватлаш” энг яхши таклифларни танлаш ҳужжатларида назарда тутилган хизматларни бажариш бўйича мажбуриятларни ўз зиммасига олади. Буюртмачи эса ушбу хизматларни қабул қилиб олиш ва унинг ҳақини тўлаш мажбуриятини ўз зиммасига олади.

1.2. Бажариладиган хизматлар турлари:

- Буюртмачининг тизимидаги ташкилотлар учун 17 та веб-сайт жорий этиш, шунингдек уларни техник қўллаб-қувватлаш ва маълумотларини серверларга жойлаштириш ва сақлаш;

- Uzsuv.uz расмий веб-сайти, Water-Lab ва Suvni Asra тизимларини техник қўллаб-қувватлаш ва маълумотларини серверларга жойлаштириш ва сақлаш;

- Figma ва Flaticon тизимлари учун лицензия олиш;

- сув таъминоти ва канализация соҳасида 4 та юқори сифатли видео лавҳалар яратиш;

- байрамлар учун дизайнер постлар ишлаб чиқиш.

2. ТАРАФЛАРНИНГ ҲУҚУҚ ВА МАЖБУРИЯТЛАРИ

2.1. Буюртмачининг ҳуқуқлари:

2.1.1. Ижрочидан техник топшириқ ва ушбу шартномада белгиланган шартлар асосида Буюртмачига топширишни талаб қилиш;

2.1.2. Ижрочининг фаолиятига аралашмаган ҳолда исталган вақтда ишнинг бориши ва сифатини текшириш;

2.1.3. Ижрочи ўз мажбуриятларини бажаришга ўз вақтида киришмаса ёки ишни суғ бажариши натижасида уни белгиланган муддатда тугатиш мумкин бўлмаслиги аниқ бўлиб қолса, шартномадан воз кечиш, етказилган зарарни қоплашни талаб қилиш;

2.1.4. Ижрочидан, ушбу шартнома бажарилишининг бориши ва натижаси ҳақидаги маълумотларни талаб қилиш ва олиш.

2.2. Буюртмачининг мажбуриятлари:

2.2.1. Шартномада назарда тутилган ҳолларда, ҳажмда ва тартибда Ижрочига ёрдам бериш;

2.2.2. Шартномада кўрсатилган муддатларда ва тартибда хизмат ҳақини тўлаш;

2.2.3. Ўзбекистон Республикасининг тегишли қонун ҳужжатлари талабларига риоя қилиш.

2.3. Ижрочининг ҳуқуқлари:

2.3.1. Қонун ҳужжатларида белгиланган ҳолларда Буюртмачидан тегишли ҳужжатларни талаб қилиш;

2.3.2. Ушбу шартноманинг 1.2-бандига мувофиқ хизмат учун Буюртмачидан олдиндан аванс тўловини тўлашни талаб қилиш;

2.3.3. Хизмат кўрсатиш чоғида юзага келадиган масалалар бўйича буюртмачининг масъул шахсларидан тушунтиришлар олиш.

2.4. Ижрочининг мажбуриятлари:

2.4.1. Ушбу шартнома ва унинг ажралмас қисми ҳисобланган Техник топшириқ да (2-илова) белгиланган шартлар асосида хизматларини бажариш ва унинг натижасини Буюртмачига топшириш;

2.4.2. Қонун ҳужжатларининг бузилишига олиб келиши мумкин бўлган ахборот берган тақдирда Буюртмачини бу ҳақда ўз вақтида хабардор қилиш;

2.4.3. Ушбу шартноманинг 1.2-бандига мувофиқ хизматларини сифатли бажариш;

2.4.5. Агар хизмат кўрсатиш жараёнида ижрочи шартнома шартларидан четга чиқса, бу хизматлар сифатини ёмонлаштирганда, Буюртмачининг талабига биноан, 5 кун ичида барча аниқланган камчиликларни бартараф этиш.

3. ШАРТНОМАНИНГ БАҲОСИ ВА ҲИСОБ-КИТОБ ТАРТИБИ

3.1. Ушбу шартноманинг умумий баҳоси 220 000 000 (икки юз йигирма миллион) сўм (ҚҚСсиз)ни ташкил этади.

Ушбу шартнома бўйича кўрсатиладиган хизмат турлари ва уларнинг қиймати мазкур шартноманинг ажралмас қисми ҳисобланган 1-иловада келтирилган.

3.2. Буюртмачи ушбу шартнома бўйича хизматлар учун шартнома умумий баҳосининг 15% фоизидан ортиқ бўлмаган миқдорида, шартнома тузилган кундан бошлаб 10 иш куни ичида, олдиндан ҳақ тўлайди.

3.3. Қолган маблағлар, ушбу шартноманинг ажралмас қисми бўлган Иловада кўрсатилган муддатлар ва миқдорларда, хизматларнинг бажарилганлиги тўғрисидаги далолатномалар Буюртмачи томонидан қабул қилингандан сўнг 5 иш куни ичида тўланади.

4. ХИЗМАТЛАР (ИШЛАР)НИ ТОПШИРИШ ВА ҚАБУЛ ҚИЛИШ ТАРТИБИ

4.1. Ижрочи ушбу шартномага мувофиқ олдиндан тўловни олгандан кейин, ушбу шартнома ва унинг ажралмас қисми ҳисобланган Техник топшириқда (2-илова) белгиланган шартлар асосида ишни бажаришни бошлайди.

4.2. Хизматлар Ижрочи томонидан Буюртмачи билан келишган ҳолда, ушбу шартноманинг 1-иловасида назарда тутилган муддатларда ва миқдорларда амалга оширилади.

4.3. Ижрочи ҳисобот даврида кўрсатилган хизматлар миқдорларига мувофиқ бажарилган ишлар тўғрисидаги далолатнома ("Акт") ва ҳисоб-фактурани шакллантиради ва буюртмачига жўнатади.

4.4. Бажарилган ишлар тўғрисидаги далолатнома келиб тушган кундан бошлаб 1 иш куни ичида Буюртмачи унга имзо қўяди ва Ижрочига юборади. Бажарилган ишлар юзасидан Буюртмачининг даъвоси бўлган тақдирда, Буюртмачи далолатнома келиб тушган кундан бошлаб 5 иш куни муддатда Ижрочига асослантирилган сабабларини кўрсатган ҳолда рад жавобини юборади.

4.5. Бажарилган ишлар юзасидан даъво келиб тушган тақдирда, Ижрочи 10й муддат ичида, даъвода кўрсатилган камчиликларни бартараф этади.

4.7. Агар Буюртмачи далолатнома келиб тушган кундан бошлаб 1 иш куни ичида Ижрочига асосли рад жавобини юбормаса, хизмат Буюртмачи томонидан қабул қилинган ҳисобланади.

5. ФОРС-МАЖОР

5.1. Мажбуриятларни бажармаслик фавқулодда воқеалар (ёнғин, сув тошқини, зилзила, табиий офатлар ва бошқалар) натижасида бўлса, томонлар, бу шартнома остида мажбуриятларини қисман ёки тўлиқ бажармаганлик учун жавобгарликдан озод этилади.

5.2. Фавқулодда вазият юзага келганда, мажбуриятларни бажариш муддати бундай ҳолатлар ва уларнинг оқибатлари амал қиладиган вақтга мутаносиб равишда узайтирилади.

5.3. Тарафлар бир-бирларини фавқулодда вазиятларнинг бошланиши ва тугаши ҳақида дарҳол хабардор қилишлари керак.

5.4. Фавқулодда вазиятларни назарда тутган Тараф иккинчи Тарафга ушбу ҳолатларни тасдиқловчи ваколатли давлат органидан ҳужжат тақдим этиши шарт.

6. ТАРАФЛАРНИНГ ЖАВОБГАРЛИГИ

6.1. Ушбу шартноманинг 1.2-бандда кўрсатилган хизматлар кўрсатиш муддатини бузганлик учун Ижрочи Буюртмачига кечиктирилган ҳар бир кун учун бажарилмаган ҳар бир хизмат қийматининг 0,5 фоизи миқдорида жарима тўлайди, лекин жариманинг умумий миқдори кўрсатилмаган хизматлар қийматининг 50 фоизидан ошмаслиги керак.

6.2. Тўлов муддатлари кечиктирилган тақдирда Буюртмачи Ижрочига кечиктирилган ҳар бир кун учун кечиктирилган тўлов суммасининг 0,4 фоизи миқдорида, лекин кечиктирилган тўлов суммасининг 50 фоизидан кўп бўлмаган миқдорда жарима тўлайди.

6.3. Жарима тўлаш тарафларни шартнома мажбуриятларини бажаришдан озод қилмайди.

6.4. Мазкур шартнома мажбуриятларини бажармаганлик ёки лозим даражада бажармаганлик учун айбдор шахс Ўзбекистон Республикасининг Фуқаролик кодекси, "Хўжалик юритувчи субъектлар фаолиятининг шартномавий-ҳуқуқий базаси тўғрисида"ги Қонунига мувофиқ жавобгар бўлади.

7. ШАРТНОМАНИНГ АМАЛ ҚИЛИШИ, УНИ ЎЗГАРТИРИШ ВА БЕКОР ҚИЛИШ

7.1. Шартнома тарафлар имзолаганидан бошлаб кучга киради ва тарафлар ушбу шартнома бўйича ўз мажбуриятларини бажаргунга қадар амал қилади.

7.2. Ижрочи қуйидаги шартлар буюртмачи томонидан бажарилмаган тақдирда олдиндан тўловларни қайтариш билан шартномани бекор қилиш ҳуқуқига эга:

- хизматни тақдим этиш учун зарур бўлган тўлиқ ва ишончли ҳужжатларни тақдим этмаслик;

- тўловлар мазкур шартномада назарда тутилган муддатларда амалга оширилмаган, тўловни кечиктириш муддати бир ойдан ортиқ муддатга ошиб кетган ҳолларда.

7.3. Буюртмачи қуйидаги ҳолларда шартномани бир томонлама бекор қилади:

- ижрочи буюртмачининг назоратидан ташқарида бўлган сабабларга кўра 15 иш кунидан ортиқ муддатга хизмат кўрсатишни кечиктирса;

- ижрочи айби билан хизматлар якунлаш муддати ушбу шартномада белгиланган муддатдан бир ойдан ортиқ муддатга ошиб кетганда.

7.4. Ушбу шартномани бекор қилишни бошлаган томон бошқа томонни 2 иш кун ичида ёзма равишда хабардор қилиши шарт.

8. НИЗОЛАРНИ ҲАЛ ЭТИШ

8.1. Мазкур шартнома юзасидан Тарафлар ўртасида келиб чиққан низолар Ўзбекистон Республикаси қонун ҳужжатларига мувофиқ тарафларнинг ўзаро келишуви, бундай келишувга эришилмаган тақдирда, барча низолар, келишмовчиликлар ва талаблар Тошкент туманлараро иқтисодий судида кўриб чиқилади.

9. КОРРУПЦИЯГА ҚАРШИ ОГОҲЛАНТИРИШ

9.1. Тарафлар шартнома бўйича ўз мажбуриятларини бажараётганда, томонлар, уларнинг филиаллари, ходимлари ёки воситачилари ҳар қандай пул ёки қимматбаҳо нарсаларни тўғридан-тўғри ёки билвосита, ҳар қандай шахсга, ушбу шахсларнинг хатти-ҳаракатларига ёки қарорларига таъсир кўрсатишга шунингдек ҳар қандай ноқонуний фойда олиш ёки бошқа ноқонуний мақсадларга беришга ёки олишга рухсат бермайди. Тарафлар шартнома бўйича ўз мажбуриятларини бажаришда Тарафлар, уларнинг аффилланган шахслари, ходимлари ёки воситачилари пора олиш/пора бериш, шунингдек, амалдаги Қонунчиликка зид равишда ва жиноий йўл билан олинган даромадларни легаллаштиришга (ювишга) қарши курашиш тўғрисидаги халқаро

ҳужжатларнинг талабларини бузадиган ҳаракатлар сифатида қонун ҳужжатлари билан шартнома учун қўлланиладиган ҳаракатларни амалга оширмайди.

9.2. Тарафлар томонидан ушбу бўлимнинг ҳар қандай қоидалари бузилганлиги ёки содир бўлиши мумкинлигига шубҳа туғилса, тегишли томон бошқа томонни ёзма равишда хабардор қилиш мажбуриятини олади. Ёзма хабарномада тарафга контрагент, унинг аффилланган шахслари, ходимлари ёки воситачилар томонидан ушбу бўлимнинг ҳар қандай қоидалари бузилганлигини ёки содир бўлиши мумкинлигини тахмин қилиш учун тасдиқловчи ёки асос берувчи материаллар тақдим этилиши шарт. Ёзма хабарнома олинган кундан бошлаб ўн иш куни ичида бошқа томон бузилиш содир бўлмаганини ёки содир бўлмаслигини тасдиқлаши керак.

9.3. Агар Тарафлардан бири ушбу бўлимда тақиқланган ҳаракатлардан воз кечиш мажбуриятини бузса ва/ёки бирон бир Тараф томонидан шартномада белгиланган муддатда бузилиш содир этилмаганлигини ёки содир бўлмаслигини тасдиқламаса, бошқа Тараф бир томонлама суддан ташқари тартибда ушбу шартномани тўлиқ ёки қисман бажаришдан воз кечиш ҳуқуқига ва биринчи томонга тегишли ёзма хабарнома юбориш ҳуқуқига эга. Шартнома ушбу хабарноманинг биринчи Тараф олган пайтдан бошлаб бекор қилинади. Ушбу банднинг қоидаларига мувофиқ, Тараф кимнинг ташаббуси билан шартнома бекор қилинган бўлса, бундай бекор қилиш натижасида етказилган зарарни қоплашни талаб қилишга ҳақлидир.

10. ШАРТНОМАНИНГ БОШҚА ШАРТЛАРИ

10.1. Шартномага ўзгартириш ва қўшимчалар киритиш тарафларнинг келишувига мувофиқ, уларнинг ваколатли шахслари томонидан имзоланган ва ёзма равишда тузилган тақдирдагина ҳақиқий ҳисобланади.

10.2. Мазкур шартномада назарда тутилмаган бошқа барча ҳоллар учун амалдаги қонун ҳужжатлари нормалари қўлланилади.

10.3. Шартнома икки нусхада тузилган бўлиб, бир хил юридик кучга эга.

11. ТАРАФЛАРНИНГ РЕКВИЗИТЛАРИ:

БУЮРТМАЧИ:

“Ўзсувтаъминот” АЖ

100000 – Тошкент ш., Ниезбек йули, 1.
Тошкент ш., "Ипотека-банк" АТИБ Меҳнат
филиали
х/р 2021 0000 5051 9488 2001
МФО: 00423
ИНН: 307 224 696
Тел.: (+998) 33 503 12 55

ИЖРОЧИ:

«United IT Company» МЧЖ

Манзил: Ўзбекистон Республикаси,
Тошкент шаҳри, Миробод тумани,
Фидокор кўчаси, 7А-уй
Тел.: (+998) 71 200 70 07
Х/Р: 2020 8000 5052 9003 0001
Банк: «Асака Банк» АЖ Сергели филиали
СТИР: 307802586
ИФУТ: 62010
МФО: 00958
емаил: info@uic.group



Х.Рахматуллаев



Директор

Муратов М.П.

(Ибрагимов Дас)

(Артақов Ғ.)

2022 йил «07» апрельдаги

UIC-13-сон шартномага

1- ИЛОВА

“Ўзсувтаъминот” АЖнинг тизимидаги ташкилотлар учун веб-сайт жорий этиш, шунингдек сайтларни ва жамият ахборот тизимларини техник қўллаб-қувватлаш бўйича

бажариладиган ишлар қиймати.

(сўм)

№	Хизмат номи	Сони	Қиймати	Умумий қиймати
1	Буюртмачининг тизимидаги ташкилотлар учун веб-сайт яратиш	17 дона	5 000 000 сўм	85 000 000 сўм
	уларни техник қўллаб-қувватлаш ва маълумотларини серверларга жойлаштириш ва сақлаш	10 ой	3 000 000 сўм	30 000 000 сўм
2	Uzsuv.uz расмий веб-сайти, шунингдек Water-Lab, Suvni Asra ва C-Water тизимларини техник қўллаб-қувватлаш ва маълумотларини серверларга жойлаштириш ва сақлаш	10 ой	5 000 000 сўм	50 000 000 сўм
3	Figma ва Flicicon тизимлари учун лицензия олиш (1 йиллик)	2 дона	1 000 000 сўм	10 000 000 сўм
4	сўв таъминоти ва канализация соҳасида юқори сифатли видео лавҳалар яратиш	4 дона	5 000 000 сўм	20 000 000 сўм
5	байрамлар учун дизайнер постлар ишлаб чиқиш	10 дона	2 500 000 сўм	25 000 000 сўм
	ЖАМИ		220 000 000 сўм	

Шартноманинг умумий баҳоси 220 000 000 (Икки юз йигирма миллион) сўм (ҚҚСсиз)ни ташкил этади.

БУЮРТМАЧИ:

“Ўзсувтаъминот” АЖ



Х.Рахматуллаев

ИЖРОЧИ:

«United IT Company» МЧЖ



Директор

Муратов М.П.